

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部  
第七八冊

責任編輯：孫言誠 賀 偉

ISBN 7-5333-0615-5



9 787533 306151 >

EBSZ/13

## 四庫全書存目叢書·集部七八

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 39.875 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

# 集部第七八冊目次

## 集部·別集類

覽餘雜集十二卷

〔明〕朱統撰  
天津圖書館藏明朱質刻本

..... 一

李徵伯存稿十一卷東行稿一卷附錄一卷

〔明〕李兆先撰  
北京大學圖書館藏明正德二年刻本

..... 三一五

嗜泉詩存二卷附錄一卷

〔明〕李璋撰  
天津圖書館藏清乾隆二十八年刻本

..... 四一二

性理吟二卷

〔明〕譚寶煥撰  
吉林省圖書館藏清康熙十九年譚作梅等刻本

..... 四四一

鴻泥堂小稿八卷續稿十卷附錄一卷

〔明〕薛章憲撰  
上海圖書館藏明嘉靖刻本

..... 四六七

東原集七卷

〔明〕杜瓊撰  
北京圖書館藏明張習鈔本

..... 五九二

覽餘雜集十二卷

〔明〕朱統撰

天津圖書館藏明朱質刻本

附《四庫全書總目·覽餘集十

二卷》提要

覽餘雜集

都憲秋崖朱公東巡至台以一編寄

予山中首一卷載公發身

廷試策問始任

誥命并歷官及今提督軍務前後所奉

勅諭次若干卷載凡奉

命行事章疏及公移政論筮仕

類本

一卷載永感錄先公傳先妣訓

志及諸薦紳稱述總之曰覽餘雜集

予邑楊令完將公命請為序予受而

讀之曰嗟乎公真志士哉公真忠孝

人哉夫謂之覽餘者托運覽以勵志

又以其餘集此也蓋小可占大遠由

邇求此編先之

王言者公欲於此常顧以盡其忠也後  
之親志者公欲於此常念以盡其孝  
也中之章疏文移政論勞險不避者  
公於此竭力以盡其志也今公之欲  
竭力者東南事也東南之專莫大於  
浙閩海寇凡浙之寇皆閩之人也閩  
之人始爲回易交通島夷以其貨挾

其人來吾海上云爲賈或有爲盜者  
非盡爲也然而駕巨舶運輕帆行于  
無涯之浸飛鎗機銃以爲利人莫敢  
攫之則皆習爲盜矣盜得其利官莫  
爲懲彼恣而無害故日趨而日衆始  
而閩之賈舶爲之繼而南畿吳越之  
賈舶亦或爲之繼而閩之逃亡集四

方之無藉爲之又繼而吾土之無藉  
亦或托爲之所以東南海寇今爲盛  
也夫吾東南之民所賴爲生者漁鹽  
漁鹽之人日見虜掠又及其居民則  
生理因窮而田里不可居矣於是東  
南之憂其有既乎今欲除以滅其蹤  
非大剪刈不可欲大剪刈非得先勝

於無形不能非嚴番貨之禁不足以  
絕盜之心非嚴接濟之禁不足以懲  
盜之力非嚴往來之舟不足以盡姦  
人之情此十家牌之法所以嚴於閩  
里關津之法所以嚴於海上甚矣人  
心之嗜利也公不得不預嚴之亦先  
勝於無形之意也豈公之得已哉故

近日南麂之捷雙嶼之捷與今日擔  
嶼之捷皆俟其懈乘其弊出其不意  
而得之此皆公用兵之機也人孰知  
公之志哉雖然予曩嘗交公於金陵  
而知公之志矣公之志豈徒今日之  
所為忠所為孝所為功名而已哉蓋  
將學其道以求聖人之道弘其德以  
求聖人之德聖人之道之德皆法天  
地而已法乎天而無所不容故曰高  
明所以覆物也法乎地而無所不蓄  
故曰博厚所以載物也聖人之觀天  
也則曰天行健君子以自強不息觀  
地也則曰地勢坤君子以厚德載物  
吾自謂公之知已故於公忠孝功名

之外又敢以此進公如不棄則公他  
日之所為忠者將為

國家之恭先則公之所為孝者將為天  
下之達孝其所謂勳烈者豈徒彝鼎  
之銘麟閣之畫哉於是為之序

嘉靖二十有八年夏四月望日資善

大夫禮部尚書兼翰林院學士

賜一品服前詹事府詹事兼侍講學士

同脩

國典

亞筵講官八廡居士黃巖黃館撰



秋崖朱公覽餘集序

馬端肅握項囊殺手於軍中嘆曰東南有此人蓋不為風氣圍者予甚扼腕於斯言何薄東南甚耶夫生同時任同籍居近百里不又有韓襄殺乎歲寒無事

覽餘集

八陳序

輯兩公兵略曰東南有人錄讀

秋崖朱中丞覽餘集尤信中丞

之被謗也威福移於鄉評是非

亂於野史今去公數十年闕見

龍董先生疏於

朝使嘉靖之季早嚴海禁則至直

徐海輩豈復蹂躪中土累數十

年以此思朱中丞曲突徙薪之

策當追錄祀之而名將威繼光

俞大猷一體賜謚斯言也與日

月爭光蓋余聞朱都督先亦有

功於閩云然則中丞竢命辭吉

覽餘集

八陳序

凶禍福命而已矣命如之何丹

心青史其竢見龍也哉公曰仰

承廟算之成不死於盜賊之手

惟慮妖邪之售或死于筆舌之

鋒死於盜賊之手尚存忠義之

氣死於筆舌之鋒長作室論之



鬼由今觀之公固不死於盜賊  
之手矣亦曷嘗死於筆舌之鋒  
耶公又言一日未死必以紀綱  
為重國是為憂公千百年之身  
也千百年之紀綱國是何日不  
憂耶公言聞外大臣兼官守言  
責之重泐巧為身謀附勢之  
徒方且談王伯談循吏酷吏惑  
世誣民則公之憂安底止耶公  
謂江左養乳獨有投江加鞭之  
事患難中以覺餘題稿故曰奉  
命討賊不奉命開帑救焚拯溺

覺餘集

陳序

三

非雍容揖遜之時除蝮解醜非  
參著梁肉之療於是革勢富之  
海船嚴地方之保甲蓋  
國初寸板不許卽海律與私出外  
境同科  
肅皇帝神武海道歷年養乳副使指  
揮五下  
詔獄公稔有司惠奸牙繡中制直  
以各寨責海道以海道責中丞  
而御史勿與禍卒胎於此從來  
公與私仇盡忠報國與金軀保  
妻子仇夫何尤公行兵以坐困

覺餘集

陳序


四

為主深入為戒海上互相傳檄  
 輒先事誦實最持重操其機要  
 所至誠斬尤善知人盧鏜俞大  
 猷皆樂為之用乃中以擅殺異  
 將希而不食其此言也乎入漳  
 州甫三日同安賊起會兵討平  
 之在寧波夷館投書鎮坐定海  
 援韓魏公在軍中有乞相公頭  
 獻西人者廷頸示之臨大事決  
 大疑須得此氣象嗟公即斷  
 頭陷胸甘之若飴况  
 立待以不死加秩請謚論大定於

龐餘集 卷序 五

今日我先輩稱公不偷官而外  
 交不棄事而簡其業有以夫集  
 以永感終感於太宜人擁絮襦  
 公呂仲木以之趙姬云其裔野  
 臣捐游索重換諸梓敲尚風雅  
 與仲修彬、孫行不媿清白吏  
 東南有人哉東南賢者之後有  
 人哉  
 賜進士及第翰林院編修後學陳  
 仁錫謹序

龐餘集 卷序 七



大中丞秋崖朱公像贊

生於曩饘坳於饒口之翩翩似乎夫全於天然其  
殊勳偉伐鏗鉤於宇宙者奚必得全而全方其鯨  
鯢用矜狐鼠盡殲東南之半壁可使餘皇不呼波  
臣宴恬而衆喙之交遘者總起於走死如鶩嗜利  
如羶推忌者之口直欲收李牧於代郡及武穆於  
胥江之滄吳山之巔予生也晚不得進屨而執鞭  
拜公遺容而不覺涕泗之滂漣者念九原之可作  
何有於妖氛之莫延 同里後學姚希孟題



中丞公像



壁餘雜集

天觀

題瓊林年少圖

嘉靖己酉秋崖主人歸老子家披瓊林春宴圖莫  
有識者蓋畫工畫意玄黃牝牡不論也不題數語  
後知爲誰其詞曰

天榜開于辛巳斗柄建于甲午在易得賁之上維時  
遇革之五人傳白鷺青天運際雲龍風虎當年畫  
裏神仙今日鏡中迂腐悵世人之賤目爾爲爾我  
爲我惜良工之苦心今不今古不古歎獨立之無  
成文不文武不武

題金門待漏圖

誰諒爾孤忠貌爾憂容誰念爾獨立貌爾正色爾  
鞞滿霜誰進爾於朝堂方驅大海之鱷魚已忤當  
道之豺狼羞乞墦兮東郭慨請劍兮上方排五雲  
今閭闔望千門兮建章仰鴻漸兮雲達覽德輝兮  
梧岡吁嗟乎仗馬不鳴爲犬爲鷹望燕不驚爲社  
爲城爾狂爾愚誰容爾于桑榆

題像圖

汝姓朱奪于紫名統聞于綺藏丹之赤幸不爲  
墨持扇之素幸不爲轉以對天日遇扶風而烜赫  
以祛炎埃遇西風而素擲人見汝三十八年金紫  
羅綺孰知汝五十六年孤臣孽子尚論古人豈無  
同姓末汝同名則固莫之與也

雙餘雜集

卷一

一

玉音

皇帝遣直隸蘇州府知府俞嘉言

諭祭原任浙江巡撫都察院右副

都御史朱統曰

惟爾擢穎科名歷官中外秉純誠

而爲國矢一節以視身比開府吳

玉音

卷一

越之交摠先事安攘之策申嚴海

禁逆折奸萌乃緒業垂成而中道

間阻身殞流議家無立錫

朕甚憫焉是用特採鄉評追頒

卹典爾靈不昧尚其祇承

萬曆十五年十二月二十六日

三十九年十月十一日

吏部文選司署員外郎主事董應舉一本

觸事陳愚乞嚴海禁厚錄封疆任戮力收功之臣以弭亂萌以風有位以保萬萬年治安事臣聞天下之患其來有漸其發不可禦其初必有先見之士折其萌其後必賴忠武之臣收其敗其萌不折其敗乃成然而卒重言之者恐未見聽而先見其禍也臣吏部司屬也所職在知人察吏此宜不必言者而患有關一方係天下昔嘗其毒今日更難不早言之他日將有不可支之患者臣不得不言

奏錄

臣聞人也閩在嘉靖之年受倭毒至慘矣大城破小城陷覆軍殺將膏百姓於鋒刃者十年而未厭倭之視閩如雜草焉歲劫歲殺有司將吏狼顧脅息而莫之誰何其後乃得將軍戚繼光者浙提兵轉戰與俞大猷犄角漸次收伏搜山擣海悉智力護子遺至

移廟之世而閩始定其禍之慘烈而難收如此推其禍之始乃由閩浙沿海奸民與倭為市而寧紹大憲沒其利陰為主持牽連以成俗當時撫臣朱統本嚴海禁大家不利連為畫語中之而

問統逮而海禁益弛於是宋素卿王直陳東谷海曾一本許思之流爭挾倭而難自淮揚以南至于廣海萬餘里無地不被其殘滅而閩禍始慘矣當時微繼光無論東南而閩非國家有也臣聞劫數將至民生外心昔日東南之亂天地一大劫也今來五十年民人生心相率與倭為市即臣郡福州亦有之福首郡也處八閩之咎而縮其會福州有事則八閩中斷而不相屬臣幼時聞諸父老嘉靖未倭田劫得去一夕談笑內薄城下不過千人城上人股慄以上兵船斷尾閉眼欲告當事者不得

奏錄

已至括金帛啖之揚之而去當事幸城內無通倭者耳設有一焉為之內應者省城必危省城危而八閩之道不通將無閩矣今之與倭為市者是禍閩之本也而省城通倭其禍將益烈于前臣聞諸鄉人向時福郡無敢通番者即有之陰從漳泉轉船不敢使人知今乃從福興界中開此徑路一人得利踵若相屬歲以復出秋盡歸倭其值以售吾貨且留吾船倍售之其意不可測也昔齊桓欲取衡山而責其械欲修軍實而責糴趙粟即倭未必不然他日駕吾船以入吾地海之防汛者民之漁

者將何識別不爲所并乎萬一有如許恩曾一本者乘之不賣白承搖櫓之禍乎又况琉球以爲倭孰我內地不難反戈又有內外通倭者爲之勾引變何可測乎此非獨關關變天下國家之可憂也臣聞伏卯翊飛牙棄穿屋蝨腹破山乳蟻漏海事有未作亂有未形况乎其已著者也使嘉靖之年早嚴禁則王直必不敢自徵往徐海陳東不敢自浙往曾一本許思不敢自閩自廣往東南受禍安得若是烈也由今思之則朱統曲突徙薪之策勝於十萬之師猶當追錄而祀之奈何蒙不白之冤

奏錄

於異世乎戚繼光收伏閩土庶幾十一陽和况乎坐鎮薊門十五年一塵不染不知省國家幾千百萬錢糧全邊塞幾千百萬赤子乃生不蒙烈士之封死不獲華表之諡將何以勸忠勇而鼓其死力也嗟夫時平則文吏持議使無早見之士不得終其謀世亂則武夫效死至治平而復忘之國之大故悉在于此昔弦高犒師秦兵却走契丹徂宋萊公戒心智高著謀宗旦蒙死今臣鄉郡道倭而臣獨言之則臣家族必受其禍矣然臣不言則全閩禍而國家亦禍語有之先事而言是謂不祥後事

而言國受其殃臣不敢避不祥之禍使至于殃國故敢冒昧上聞伏乞

敕下臣部蚤選才望有方略者爲福建海道專主海禁假以便宜凡惡少通倭有投及大姓出母錢資之通者皆重法以折其萌比于於武王擊膠郡飲之又若海道能禁絕道倭卓有成績加銜秩與之久住或照邊方兵備一體超升伏乞

奏錄

敕下兵禮二部議勘朱統當日因何受退曾否嚴行海禁果無他鄉罪止因海禁爲士夫所中乞爲申明建祠原鎮地方以風任事之臣詳勘戚繼光救閩功次并薊門十五年不聞虜患其功當比何人或并將俞大猷一體賜諡使忠勇者樂忘其死今日之急務也臣伏見

陛下聖德上符

世廟而世廟末年東南多故當時國家財力尚饒才武尚衆法令尚平焉盛平禮亂猶如是之難今財力匱乏法令廢弛天下倉庫如洗國儲不能支二一年加以建酋悍順卑翼以俟遼東大捷報仗方始粵山夷市變煽難知沿海倭患旦夕不測而虜未就封鬼變時作水旱妖怪無處不有

覽餘雜集目錄

卷一

玉音

卷三

章疏二

卷五

章疏四

卷七

公移一

卷九

覽餘雜集

公移三

卷十一

茂邊紀事

卷二

章疏一

卷四

章疏三

卷六

章疏五

卷八

公移二

卷十

覽餘雜集

海道紀言

卷十二

永感錄

目錄

覽餘雜集卷之一

長洲朱 統子純甫著

嫡孫朱篁仲脩甫訂

曾孫朱質野臣重梓

玉音

辛巳策問

皇帝制曰朕惟自古人君臨御天下必慎厥初而為其臣者亦未嘗不以慎初之說告之蓋國家之治忽君子小人之進退世道之否泰其機皆繫於此誠不可以不慎也然觀之詩書所載則亦不能無

覽餘雜集 玉音 卷之一

疑焉舜正月上日受終于文祖首察璣衡以齊七政而類禋望徧之並舉觀天交神庶政固在所先矣異時月正元日格于文祖詢四岳關四門明目達聰惟恐或後且進十二牧而歷咨之豈聽言用人又在所急歟太甲元祀祇見厥祖伊尹明言烈祖之成德以訓于王是天下之政無大於法祖宗矣高宗恭默思道傳說告之尤倦倦遜志時敏之務典學亦豈容緩歟成王卽政周公作無逸舉三宗以勸之惟以畏天愛民為主訪洛一詩乃又以書下情守家法為說立政一書又以三宅三俊為



不可忽終之無誤庶幾爲重意固各有在也抑又  
有可疑者禹受命于神宗不旋踵會稽后羿師征  
苗康王率循大下大臣進戒首以張皇六師爲言  
他務未遑顧以兵事先之何歟若乃禹祗承于帝  
有精一執中之傳湯黜夏命有克綏厥猷之任武  
王勝殷訪洪範于箕子踐阼授丹書于尚父且退  
而几席觴豆刀劔戶牖莫不有銘則又萬世道學  
淵源所自未可以尋常政事自之也然則人君慎  
初之道果孰有外於是歟漢唐宋以來其君臣之  
間蓋無足與於斯者然一代之治功論議亦不可  
泯觀夫求端於天之策治審所尚之疏尚德緩刑  
之書蕩滌煩苛之奏與夫先天要說之十事奉天  
罪已之一詔元祐修德爲治之十要淳熙謹始自  
新之十目皆於初政深致意焉其與十漸之慮五  
始之義三卿序進授策之戒指歸所在其果無大  
相遠歟夫人事有本末物理有始終王道之施設  
固有先後端本所以治末謹始所以圖終施之宜  
先則不可以少後皆治體所關甚大不可以苟焉  
者何衆說不能以皆一歟朕奉

大明命冊承

覽餘雜集

卷一

二

天法  
顧修德勤政求賢納諫講學窮理節財愛民諸事惟  
日孜孜次第舉行取無逸中嘉靖殷邦之一語建  
號紀元方將體元居正以求儷美詩書所稱帝王  
熙明之治特進爾多士于廷咨以慎初之道爾多  
士其尚酌古準今稽經訂史明本末之要審先後  
之序悉意敷陳用輔朕維新之治

正德十六年五月十五日

初考進階

覽餘雜集

卷一

三

奉

天承運

皇帝制曰知州所以布德宣令安利生民匪得其人  
曷稱斯任爾大名府開州知州朱統發身賢科兩  
守畿郡愛民守已心旣切於奉公治劇勦繁才復  
優於集事既書最考宜云褒恩茲特進爾階奉直  
大夫錫之誥命爾其盡心益懋厥職行當召用欽  
哉

嘉靖七年三月十四日

江西管冊

江西布政使石泰議朱允諒請廣西  
柯相奏稱國賦重事係於黃冊往年民困  
被里書人等變亂戶籍埋沒軍伍飛灑稅糧  
田地漏報人丁脫免差徭那移里甲以致版圖日  
消人民日困兼以紙張粉飾差錯稽遲為弊多端  
茲當十年大造之期乞要定委本布政司官專理  
攢造等因今特命爾專一管理攢造黃冊不許別  
項差占爾須用心查算刻期編造務將前奏各  
項弊端盡行裁革俾圖籍有據賦役均平以稱朕  
均圖足民之意造完之日繳勅奏聞如或因循怠  
覽餘雜集 卷一 四

忽憑信里書仍致有前項奸弊聽南京管黃冊官  
指名叅奏重治不饒爾其慎之故勅  
嘉靖十一年十月初六日

威茂兵備

勅整飭威茂等處兵備四川按察司官威茂地接羌  
夷實當要害兵糧事繁今特命爾往彼專一整飭  
兵備綜理糧儲操練軍馬撫治羌夷凡城堡墩臺  
關口棧道器械盔甲等項俱要脩理完好收放糧  
斛或有虛出通關剋減斛面等項奸弊務要盡革  
方詞訟該理者即為問理其軍中事宜與分守

將官從長計議停當而行仍聽撫按官節制如邁  
羌夷出沒阻截道路搶奪糧餉攻打關堡劫掠腹  
裏居民財畜擾害地方爾即與將官同心協力督  
兵進剿凡邊方利有可興弊有可革者悉聽爾從  
宜處置事體重大者具實奏聞爾受茲委任尤須  
公廉自律威惠並行務使番夷讐服道路開通地  
方無虞軍民樂業如或率意任情乖方悞事罪不  
輕宥爾其欽承毋忽故

勅

嘉靖十一年五月十二日  
覽餘雜集 卷一 五

南贛軍門

勅都察院右副都御史朱統江西福建廣東湖廣各  
布政司交界去處山高嶺峻樹木叢密累有盜賊  
生發東進則西竄南捕則北奔且因地連各境事  
無統屬彼此推調特命爾前去巡撫江西南安贛  
州福建汀州漳州廣東南雄韶州惠州潮州各府  
及湖廣郴州地方提督軍務撫安軍民修理城池  
禁革奸弊一應地方賊情軍馬錢糧事宜小則徑  
自區畫大則奏請定奪其餘民情事務不須干預  
爾常在汀贛二府住劄不時往來於原擬各府州